



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ 2. Sententia Ottonis Imperatoris.

urn:nbn:de:hbz:466:1-14268

nostrorum Mundiburdio &c. Vide ipsum Diploma Numero quarto.

Ludouicus Pius Imperator eadem omnia, quæ Pater eius Carolus, concessit, constituit, decreuit, imperauit, ut manifestum est ex eius Diplomate quod habes sub Num. 5. vbi hæc leges, Igitur istud præceptum ad utilitatem Monachorum fieri iussimus, per quod Imperamus, ne quislibet de iudicaria potestate in Curtes, vel in Villas ipsius Monasterij ad causas audiendum, nec fidei iussores rollendum neque ad manendum, aut homines ipsius Ecclesie distinguendum ingredi præsumat, sed sicut ipse locus sub antecessorum Regum hac tenus fuit conservatus, ita deinceps per nostram autoritatem permaneat in conuulsus.

Lotharium Austrasiæ Regem quoque eandem Iurisdictionem libertatem, & immediatum sub Imperatoribus Statum agnouisse & decreuisse, ex ipsius Diplomate euincitur, quod sub Num. 6. habes, vbi Rex Lotharij Imperatoris Generis sui, qui idem præstiterat & anteriorem Regum Austrasiæ & Imperatorum vestigijs insistens, *Abbatiam S. Maximini*, inquit, more Genitoris nostri cæterorumq. Antecessorum nostrorum nostris etiam priuilegijs, corroborare decredimus, & nulli alijs subiectam vel obnoxiam, excepto nostre Regalitati, sicut sub Antecessoribus nostris esse volumus. Nulli etiam Comitatui bannum aut fredas exoluat, nec aliquis in locis eiusdem sine nostro iussu placitum habere præsumat. Quibus verbis Imperatores & Reges omnem Iurisdictionem Principibus, Comitibus, & Dynastis Imperatore inferioribus in S. Maximini Ditiones denegant, eiusque omne exercitium tollunt, nisi id ex ipsorum Imperatorum & Regum iussu, mandato vel delegatione concedatur. Placitum enim conuentus iudiciales, bannum & fredas vero euocationes, mulctas & pœnas antiquorum Scriptorum vsu significare constat.

Atque ex allegatis Descretis & Diplomatis euincitur Abbatiam S. Maximini à Constantini M. tempore, adeoque à prima sua origine usque ad Dagobertum Austrasiæ Regem, & deinde tam sub illo quam consequentibus Imperatoribus & Austrasiæ Regibus immediate sub Imperio vel Regno supremo Statum liberum habuisse.

S. 2. *Sententia Ottonis Imperatoris.*

SExcentis penè annis Iura S. Maximini inconcessa steterant cum Rothbertus Archiepiscopus Treuirensis, nescio quibus iudicijs vel malorum consilijs aut suggestionibus in eum errorem inductus est, ut Abbatiam præfatam olim ad Ecclesiam suam pertinuisse eiique subtractam fuisse crederet. Igitur apud Ottone Magnum Imperatorem actionem instituit, ac Monasterium sibi adiudicari petiit. Auditus est Abbas S. Maximini pro tempore Willerus, causaque examinata & probè cognita, prolatisque in Imperij Comitiis siue Procerum conuentu coram Cælare & iisdem Proceribus, Tabulis & Decretis Regum præcedentium præsente ipso Rothberto Actore lata est sententia ab Imperatore, & declaratum ac decretum, præfatum Cœnobium ab Antiquissimis temporibus in usum Monachorum constructum, nulli unquam Ecclesiæ vel Sedi subiectum fuisse, sed semper sub Regia Potestate mansisse, ac proinde sub ipsius Ottonis ac Successorum Germaniae Regum potestate perpetuo permanetur.

Ipsum quale hodieq; habemus integrum Originale: hic lege.
In nomine Sanctæ & individuæ Trinitatis. Otto diuina annuente Clementia Rex. Notum esse volumus omnium nostrorum presentium scilicet & futurorum industrie, quod Nos pie & salubriter de nostri Status Regni tractando sancta loca ab Ante-

cessori-

cessoribus nostris, videlicet Regibus, vel alijs fidelibus in honore DEI constructa, nostris etiam priuilegijs Regali more robore decreuimus. Sed venerabilis Treuericae Sedis Archiepiscopus Rothbertus aliquorum, quos rei veritas latebat, adhortatus insincta, nostram (super loco vel Abbatiā sancti Confessoris Christi Maximini) adiit Regalitatem, hanc iniuste sibi, vel Ecclesie sua ablata fuisse conquestus. Nos tamen lecis in presentia nostra eiusdemq; Archiepiscopi Rothberti, vel aliorum fidelium nostrorum super eodem loco praecedentium Regum priuilegijs & decretis, eum ab antiquissimis temporibus ad opus Monachorum constructum nulli alijs Ecclesia vel Sedi appendicem aut subiectum, sed semper sub Regia Tuitiois Clypeo & potestate permansisse certissima ratione reperimus. Idcirco interuentu & rogatu Germani nostri Archiepiscopi Brunonis, & Conradi Duci, ne, vel eadem priuilegia talibus predicti Archiepiscopi Rothberti reclamationibus aut querelis infirmarentur; vel Abbas aut Monachi ibidem DEO seruientes tali ulterius infestatione comprimerentur, idem Cenobium cum Abbatia sub nostra perpetualiter & omnium succedentium Regum defensione & potestate permansurum volumus. Et prenotati Episcopi vel Successorum suorum Episcoporum occasionis iniuste super eodem loco querelas precepti nostri auctoritate excludimus; insuper Venerabilis eiusdem loci Abbas VVikerus in presentia prae nominati Treuericae Sedis Archiepiscopi est conquestus, in Treuerica valle multas ab eo suisque, suis & sibi incommoditates ingeri: maximeq; in pescatione & venna quadam in Rauera fluvio constructa, fideli nostro Duce Conrado affirmante queremoniam Abbatis iustum esse. Igitur presenti Archiepiscopo Rothberto interdiximus, deincepsq; volumus atque auctoritate Regali iubemus ne, vel ipse Archiepiscopus Rothbertus vel Successores eius Episcopi aliquid incommodatus, vel in pescatione eiusdem fluvij vel in Venna in eo constructa, vel in aliquo negotio praedicto Abbatii, cenobitisq; postfuturis ingerant, & ut praesens nostra Regalitatis praeceptum in postfutura sacula fixum & stabile permaneat, manu propria subtus firmauimus & annuli nostri impressione muniri iussimus.

Signum Domini Ottonis Inuictissimi Regis



Rudolphus Cancellarius ad vicem Brunonis Archivapellani recognoui. Data iij. Kl. Septembr. Anno Incarnationis Domini DCCCC. LIII. Indictione VI. Anno vero Regni Domini Ottonis Regis XVIII. Actum Moguntiae in DEI nomine feliciter, Amen.

Ita ante septingentos prope annos ab Imperatore Maximo, assidente S. Brunone Archiepiscopo Coloniensi & Imperij Archicancellario, Conrado Duce & Regni Lothariensis a plurimis annis Administratore, atque adeo rerum peritissimo, alijsque Imperij Statibus & Proceribus Iudicatum ac decisum fuit. Neque huic sententiæ ita mature auditis partibus & cum omnibus Iuris solemnitatibus latæ, vñquam contradicunt aut contradici potuit. Neque etiam Scriptor anonymous in libello suo vbi omnia oppugnat, contra hanc sententiam quidquam obijcere aut verbum ullum hiscere potuit. Maluit nodum hunc insolubilem profundissimo silentio inuoluere. Neque vero subreptio-

nis, corruptionis aut faoris cuiusquam suspicione laborare hæc sententia potuit cum Otto Imperator Optimus, Bruno Sanctissimus fuerit, & ipse Rothbertus, Ottonis & Brunonis auunculus, Conradi vero, qui eius neprem duxerat affinis; ac proinde ex celso quodam iudicio Brunonis & Conradi nomina potius quam aliorum Procerum prædictæ sententiæ sunt inserta, ut posteritati constaret Rothbertum etiam consanguineorum & affinium suorum iudicio fuisse condemnatum.

Sententia igitur prædicti Iudicis & Tribunalis supremam vim obtinet, irrefragabilis est omnem litem controversiamque perimit, eaque una haec tenus sufficit, vt Pontifices Maximi, Imperatores, Reges, ac summa quæque Tribunalia pro S. Maximini Cœnobio in hac causa starent, ac secundum Iustitiam rei iudicatae decernerent. Neque ad causæ huius resolutionem alijs firmamentis opus. Ex abundanti nihilominus, quis aliorum Pontificum & Imperatorum sensus hac de re fuerit, adjiciemus.

*§. 3. Pontificum Summorum ac Imperatorum de eadem re
Decreta ac Rescripta.*

SEntentiam Ottonis præfata iustissimam fuisse & Rothberti Archiepiscopi petitionem iniustum, Agapitus II. Pontifex, qui id temporis viuebat luculentè in Bulla ad Willerum Abbatem missa, Apostolico oraculo declaravit, quam habes Num. 16. vbi attestatur Pontifex, per legatos Abbatis Willeri Aolphum & Guntharium ipsius Sanctitati coram Clero, seu in Cardinalium Consistorio acta apud Ottonem omnia relata & recognitis irrefragabilibus antiquorum Imperatorum & Regum documentis, iudicium Ottonis omnium Decreto laudatum, & Statutum, vt Monasterium sub Regia tantum potestate permaneat neque vlli alteri personæ vnquam subiaceat.

Idem sensit Ioannes XIII. qui & Ottonis M. facta laudauit, & idem Monasterium sub Imperatorum potestate immediate permanere supra authoreitate præcepit. Vide Bullam eius Num. 14.

Eandem sententiam ac decreta, priuilegiaque Ottonis M. ac præcedentium Imperatorum laudarunt & approbarunt Otto II. binis Diplomatis sub Num. 12. & Num. 16. quorum prius, viuente adhuc Imperatore parente edidit, & Otto III. vno Francofurti concessio sub Num. 18. quibus peculiatariter illud reiterant & inculcauit, vt Religioso S. Maximini Conuentui libera semper sit Electio, nullius potestati, præterquam Imperatorum subsit, nullus in Monasterij ditione placitum habere, id est, Ius dicere præsumat præter Abbatem eiusque Commissos.

Similiter Iura omnia prædicta ac immediatam sub Imperatoribus & Imperio subiectionem Stabiluerunt Imperatores consequentes, S. Henricus, Conradus Salicus, Henricus III. Henricus IV. Henricus V. quorum Diplomata lege sub NN. 19. 20. 21. 22. 26. 31. In quibus obseruabis allegatos Imperatores præcipere statuere, decernere, vt dicta Abbatia nulli Ecclesiæ, Sedi vel persona quoconque pacto vnquam subiiciatur siue vt loquuntur famula aut appendix subiaceat, sed sub Imperatorum duntaxat Iure, mundiburdio & tuitio permaneat.

Huc pertinent Pontificum Sanctiones & decreta, tum Leonis IX. anno millesimo quinquagesimo primo sub Num. 23. tum Innocentij II. sub Nu. 33.

quibus